

Öise Lade 8-2016, p. 62

## In salid *rumantsch*

Suenter il campiunadi europeic da ballape il zercladur e fanadur en Frantscha ha lieu questa stad cun ils gieus olimpics en Brasilia ina segunda occurrenza da sport d'impurtanza mundiala. Ils atlets – ch'ins sa dumonda mintgant, sch'els èn umans u maschinas – portan prestaziuns nunditgas che fan surstar nus. Mintgant ma sent jau era sco ina pitschna Mujinga Kambundji. Numnadain lura, cura che jau prend mias chautschas da sport e mes libli da ballape da l'equipa naziunala tudestga (geabain, da l'equipa tudestga, jau dun tiers) ord stgaffa e tir



Senza  
nauscha  
conscienza

en mes chalzers da sport. Jau vom alura sin noss crosstrainer e cur per mia vita – sco Mujinga Kambudji. Mo il bler vegn jau gia suenter paucas minutas conscienta che jau hai anc adina num Marina e betg Mujinga. Ed il pli tard cura che jau ves mes chau sco ina tomata en il spievel, ves jau era definitivamain la differenza tranter nus duas.

E tuttina ma sent jau bain – suenter che jau sun currida ed hai fatg la duscha. Ussa poss jau mangiar in toc tschigulatta, u ussa la stad in bun glatsch cun groma e sosa da tschigulatta, senza avair nauscha conscienza. Tgi sa, sche Mujinga Kambundji sa permetta era mintgant ina retscha tschigulatta? Tenor mai avess ella era merità in'entira tschigulatta, uschia ina gronda da 400 grams.

Marina Wyss  
Marina Wyss